

封邱縣志

王廣慶題



封邱縣志目錄

卷首

圖

表

卷一

封域

星野

疆里

沿革

山川

形勢

古蹟

風俗

卷二

建置

城池

官署

廟祠

寺觀

倉庫

坊樓

閭鎮

堤廠

塚墓

卷三

民土

戶口

里甲

田賦

土產

物貢

徭役

馬政

兵防

祥災

卷四

學校

殿宇

綸音

書籍

祭器

養田

社學

鄉約

卷五

職官

官制

守令

僚屬

師儒

卷六

人物

賢哲

科貢

封贈

恩蔭

例掾

武弁

孝行

義門

貞烈

技術

卷七

藝文

王言

碑記

卷八

藝文

傳類

賦類

詩歌

卷九

續

記類

詩歌

人物

封邱縣志卷五

職官

古先王建國設官分職以爲民極其事曰治典教典禮典政典刑典其宰
曰官治官聯官常官成官灋舉凡一邑疆理建置民士學校諸事咸待理
焉蓋守牧者安危理亂之主也周以六計弊羣吏百司各脩其職掌卽佐
幕師氏咸無瘵曠明倣周制建官巡行觀使者監舉其上在下則又有口
碑常存輿論難泯見前慮後模範彰彰已吾封二百餘年以來來撫茲邑
者佈德振膏咸有造於封邑且善政奇蹟應須紀勒詔示將來用訪耆舊
及耳目所覩記者并漢唐宋一二鐫之左以見後先媲美且使千載而下
紀循吏者有所考焉然或備書政績履履欣豔以數言或止書姓名貫籍

難假借以一字非敢曰法詩人之美刺效史氏之予奪也聊以垂監於後人云爾

按封雖彈丸邑而歷代令長多以循卓著聞通考前後良吏可另爲一傳亦寓內盛事也自明季神宗末迄

國朝定鼎初其間遷陟代謝歲月不可盡記而詢諸長老參以見聞大抵徽政懿猷相繼焜耀後之牧茲土者遵守勿失則軌轍易循苟事不師古而冀跨越前賢沽汲聲譽僨轅脫輓之患慮弗免也

官制

萬歷十七年添置北河捕廳同知一員

明初設知縣一員 縣丞一員 主簿二員 裁革一員 典史一員 儒學教

諭一員 訓導二員 陰陽學訓術一員 醫學訓科一員 僧會司僧會一員 道會司道會一員

按周設官正春秋曰宰曰尹曰大夫秦曰令長漢因之宋曰知縣明因之國朝亦仍其名丞簿尉自漢以來俱有

守令

萬歷添置同知

張士奇貢士陝西宜君縣人萬歷十七年任嚴明朴直政治修舉

桑自省舉人山東博平縣人萬歷二十二年任

錢景醇舉人直隸無錫縣人萬歷二十六年任

魯伯淑舉人湖廣孝感縣人萬歷三十一年任謁廟講學雅意作人

劉源舉人四川雲陽人萬歷三十三年任

王祈禎舉人山東館陶縣人萬歷三十五年任

馬治道舉人直隸魏縣人萬歷三十七年任聽治明允署開封府印六月民

咸頌之

李化春舉人山東滋陽縣人萬歷四十一年任

潘舜口舉人福建莆田人天啟元年任

陸順天
府治中

林綱中舉人普天縣人天啟年間任

程之試舉人湖廣黃岡縣人崇禎四年任

劉躍龍舉人陝西安定縣人崇禎八年任

蘇翹楚舉人北直景州人崇禎十二年任

牛光斗貢山西蒲州人崇禎十四年任

國朝

張獻捷貢沈陽城人順治二年任陞南陽府知府

楊惠心貢北直廣平府人順治七年任陞本府知府

張爾翮貢陝西富平縣人順治十年任見任

按同知府佐也曷爲附於邑志蓋北河之患莫過於封大率亡二十年不潰決者故以北河同知駐劄封城相河勢緩急歲加修築誠捍禦河防之要策也舊官署在縣治西南卽布政司行館順治九年河決毀於水今河廳暫遷

陳橋

歷代宰令

漢周舉字宣光汝陽人幼博學洽聞爲儒者所宗延禧間辟司徒後舉茂才

爲平邱令屢上書言當代得失辭甚切直

尙書郭虔等見之歎服上疏稱舉忠直願帝置舉所言御座以爲規

誠遷并州刺史後左雄薦舉徵拜尙書舉又尙書勸上順四時節陰陽遠邪

佞錄忠貞已而復定廟次典禮止北鄉之謚却梁商之燕卒遷諫議光祿大

夫及卒上嘉舉清公亮直深痛惜之詔曰舉性侔夷魚忠踰隨管子錄乃勳

用登九列賜金錢十萬以旌之

入名宦祠

唐高適字達夫一字仲武滄州人少客梁宋間與杜甫李白相友善皆盛唐

作者爲詩詞簡而意味深長嘗歌詠吹臺上御史毛伯溫爲記有集十卷行

於世適崇尙節義語王道滾滾不厭後舉有道科

開封志云肅宗時爲封邱縣令縣志云調封邱尉

累官節度使

綱目曰初上皇制命諸子分總節制高適以爲不可上不聽以永王璘領諸道節度使璘反乃遣淮南節度使高適討平之

入爲侍郎擢諫議大夫負氣敢言權近側目人皆敬憚之廣德中任散騎常

侍封渤海侯 入名宦祠

宋豐稷字相之明州鄞縣人神宗時爲封邱令封附畿內素苦權要請託稷

不峻拒之第直其情取平於法不以人爲重輕人亦無敢干以私者吏民畏

愛之 入名宦祠

元晏只哥兒 大德四年任 劉循 大德九年任

王克讓 至大十一年任 王信 至正四年任

黃漢臣 山人才至正二十年任 撒銀不花 至大二十一年任

明知縣

孟志仁山東德州人洪武七年任

高昇直隸高郵州人洪武八年任

潘德義江西武寧縣人洪武十年任

劉應直隸雄縣人洪武十四年任

韓九成山西太谷縣人洪武十八年任

衛護山西聞喜縣人洪武二十一年任

王理山東定陶縣人洪武二十四年任

倪起賢山東霑化縣人洪武二十五年任

李恕江西鉛山縣人洪武二十八年任

崔冉山西榮河縣人洪武二十九年任

王亨陝西平梁縣人洪武三十一年任

張彥仁 山西安邑縣人 永樂七年任

金孟隆 江西樂平縣人 永樂八年任

白玉山 山西吉州人 永樂十年任

董珪 直隸元城縣人 永樂十二年任

王鼎山 山西陰縣人 永樂二十一年任

王亨 直隸定州人 宣德元年任

李昱 直隸邢臺縣人 宣德元年任

張素 直隸固安縣人 宣德六年任

奚哲 山東冠縣人 宣德八年任

張茂 直隸徐州人 正統四年任

張慎陝西渭南縣人正統二年任

朱昇直隸華亭縣人正統七年任

李大都山東寧陽縣人正統十年任

王遂山東益都縣人正統十三年任

任寅山西朔州人景泰元年任

左誦山西夏縣人景泰四年任

張存釗江西武寧縣人景泰七年任

陳善山東德州人天順二年任

倪昇直隸平谷縣人舉人天順五年任

賈恕山東歷城縣人舉人天順八年任

王輔山西安邑縣人舉人成化元年任重繕城郭民樂爲用時稱得治體

計躡直隸上海縣人舉人成化七年任

董誼直隸雄縣人成化十三年任

李贊直隸完縣人成化十五年任

姜丙山東平陰縣人成化十九年任

張天衢直隸高陽縣人進士成化二十二年任宅心愷悌蒞政嚴明隣邑人

民有訟皆願來質取平擢監察御史歷官陝西兵備副使

有去思碑
入名宦祠

馬麒直隸鉅鹿縣人舉人宏治六年任平易近民去後民思慕之

袁仕湖廣棗陽縣人進士宏治七年任才猷敏捷政事無不修舉築護城堤

擢河南道監察御史

有去思碑
入名宦詞

王麟湖廣黃岡縣人進士宏治十三年任性資剛直不避權勢卒於官

熊縝湖廣麻城縣人舉人宏治十八年任

王德明直隸清苑縣人進士正德四年任

張守陝西涇陽縣人舉人正德六年任才堪治亂守城禦侮邑民賴以保全

當道實依重之去日民不忍舍爲立祠祀之歷陞四川成都府知府

有去思碑

劉澄陝西邠州人舉人正德九年任學中祭器多所制建士子戴之

張憲陝西涇陽縣人舉人正德十一年任政尙清簡民享安靜

有去思碑

劉洋直隸吳縣人舉人正德十四年任

龔治山東堂邑縣人進士嘉靖二年任恩威兼濟吏畏民懷有古循吏之風

歷陞承天府知府

有去思碑

洪玉浙江淳安人監生嘉靖七年任

孟羈山西澤州人進士嘉靖九年任才敏而獄不留政簡而民不擾歷陞陝

西兵備僉事

潘鈇直隸婺源縣人舉人嘉靖十二年任

易冲湖廣巴陵縣人舉人嘉靖十四年任

朱縉湖廣零陵縣人舉人嘉靖十八年任重修封邱縣志

文大才湖廣廣濟縣人舉人嘉靖二十一年任陞四川嘉定知州

于炳府軍右衛籍山東昌邑人官生嘉靖二十七年任

蔡完湖廣麻城縣人舉人嘉靖三十年任有修城功

林宗和湖廣麻城縣人舉人嘉靖三十一年任

汪本正湖廣江寧縣人監生嘉靖三十二年任

龍子昂江西泰和縣人舉人嘉靖三十四年任

于宏道山東寧陽縣人舉人嘉靖三十四年任革弊釐奸政務修舉

吳越山東萊蕪縣人監生嘉靖三十五年任

張國光江西南昌縣人舉人嘉靖三十七年任

孔宏川山東曲阜縣人孔子七十九代孫監生嘉靖四十一年任

王繼韶山東益都縣人舉人嘉靖四十三年任性資明敏人不敢欺

朱希顏山東德州人舉人隆慶二年任政尙仁慈民多愛之

蕭文元湖廣江寧縣人舉人隆慶四年任

李呈明山東陽信縣人舉人隆慶五年任建修磚城最爲完固可以避兵禦

水邑人至今賴之

有修城碑

胡以祚直隸邢臺縣人舉人萬歷元年任重修縣志

張應舉陝西洋縣人舉人萬歷三年任

葉正蒙湖廣黃岡縣人舉人萬歷六年任

郝國章直隸宛平縣人進士萬歷八年任

張澣直隸行唐縣人選貢萬歷九年任

李養質山西蒲州人進士萬歷十四年任直政嚴明力禦河患調陞工科給

事中遷密雲兵備副使

張夢鶴山東莘縣人舉人萬歷十七年任

遲可化直隸穎上縣人選貢萬歷十九年任

馬應圖浙江平湖縣人進士萬歷二十一年任剛方峻直一塵不染折贖止用數錢陞刑部員外郎

顧自植直隸吳江縣人進士萬歷二十一年任作興學校成就人才歷官兵備副使

王三極湖廣黃安縣人舉人萬歷二十三年任建尊經閣

劉三畏山西寧武衛人選貢萬歷二十五年任

詹頤吉四川巴縣人舉人萬歷二十八年任存心愛民政尚寬厚建儒學魁

樓有生祠

崔燾山東平度州人進士萬歷三十年任資性明達政尚簡靜

陰象坤山西芮城縣人舉人萬歷三十二年任才優盤錯法制多所修舉有去

碑思

劉民裕湖廣江陵縣人萬歷三十四年任

趙浩直隸長垣縣人舉人萬歷三十六年任學富才充縉紳多尊禮之

張鯉山東平陰縣人進士萬歷三十九年任興利去害甚多革弊黜姦務盡

德威並著吏民畏愛之時治最有聲入覲調祥符知縣

有生祠有去思碑

王策山東淄川縣人舉人萬歷四十二年任

張士葵山東東阿縣人舉人萬歷四十五年任

宋學道直隸永年縣人進士萬歷四十七年任

大有惠政

馮一鴻浙江錢塘人舉人天啟元年任以同官論陞封邱令性儉朴勤政治

每歲春稅于桑田勸課勤敏置社塾七設更夫百蘇居民城守之累在任四

載與民相安有大馮君之謠陞真定府同知立有生祠碑記

楊文見

高有聞山東益縣人進士天啟五年任清廉正直捐資重修儒學陞計部轉陞吏部立有生祠及去思碑

陳時春直隸唐縣人舉人天啟七年任陞浙江台州府同知

李可植湖廣黃岡縣人進士崇禎二年任

任治統山西芮城縣人舉人崇禎四年任

曹宗璠江南金壇縣人進士崇禎七年任

欒國祚山東安邱縣人舉人崇禎七年任陞江南廬州府同知

蘇茂杓福建晉江縣人舉人崇禎十年任政治嚴明禦劇賊有功陞本府同

知流寇決河灌注殉難

張聘雲南太和縣人舉人崇禎十四年任時值奇荒撫字倍篤後流寇陷都門棄官不知所之

國朝知縣

王開期直隸固城縣人進士順治二年任時值編審以疆域甫靖民困未舒全邑人戶悉定爲九則河工嚴急上檄令封邑買梢草鉅萬衆方愁苦罔措期已令役持帑金赴彼辦納訖而民未之知也凡爲民興利除害初不令人知惟期於事有濟其厚重類如此未逾年陞禮部主事邑人立有德政碑崇祀名宦

呂封齊山東福山縣人恩貢順治三年任

宋翔號子飛順天大興人丙戌進士順治四年蒞封時當奇荒兵燹之後復新經

鼎革村落丘墟人烟殆絕兼值汴省淪陷往來使節咸假道封城送迎供億之繁不可殫述翔身歷諸艱一以公平簡靜治之民業未復多方招徠勸墾分甘茹苦相與休息生聚教訓無遺力焉公事之暇卽講學課士一時人文蒸蒸蔚起間有巧滑爲民蠹者嚴法剪除務盡惟東省餘寇時介馬突至頻爲地方害翔訓練防禦整厲有法民不知有寇并不知有兵率安堵無驚擾時封城河帑餉銀山積羣盜耽耽終莫敢犯凡貢賦入都者由其道咸賴無虞視事三載封土雞犬相聞烟火相接幾俸隆萬時舊觀汴民失業來歸者卜居鱗集隣封之令亦數借寇願沐治化焉順治己丑歲河決朱源寨四履

皆成巨浸賴翔力禦者復二載致壬辰歲六月河再決城郭廬舍遂潰坼不可復救翔率民登阜每舟楫至不忍先渡必令百姓老幼婦女悉濟而後登舸故露處者閱五日始離城攜家人出焉寄寓於縣西之于家店茅屋數椽頽陋尤甚翔處之怡然惟重念封民昏墊之苦呼號哀痛力請蠲賦稅減徭役以拯子遺窮約日甚撫字愈勤衣被乳哺踰慈母之鞠子焉暇則以讀書娛志而周禮一書尤所深究雖勞憊未嘗釋卷其天性篤學如此癸巳冬以久績陞計部將發前數月念封邑協濟廩延夫馬爲累幾不聊生復力申當道獲撤免殘邑賴以蘇息至今封民戴之大約仁心惠質磊落有風概爲政不事小節處常履變識量嶷然尤爲時輩所罕及云今陞吏部考功司郎中余縉浙江諸暨縣人進士順治十一年任

今夫朝廷立監置牧以爲民也乃士出而剖符分壤領民社重寄亦孰不以濟世利物爲心者故朝興一利而朝卽澤逮窮簷夕除一害而夕卽仁流市井者無如守令且發動舉事惟我所欲爲可使事悉得宜民悉得所故昔人往往願爲長吏良以職領專城澤易下究也吾封賢有司後先暉映深仁茂績如昔周豐輩者蓋不乏人奈歲遠僅存梗概而實蹟莫可考詳初任義當需載而揄揚未及一二秉掾者固當徐勒於後惟是近日法網太嚴有司方略鄉導莫可自專申請乞告閭閻又難遽沾膏澤誠無使有司奉官救過不暇而一意民瘼則監司者之責矣

按封邑前令多錚錚有聲卽遷轉亦殊於他邑考之前志及里巷傳述曾未聞有居官不職以賄敗受黜者蓋地雖濱河貧瘠而稟河洛之瑩潤鍾嵩行

之蜿蜒故官斯土者率多豈弟愛人勤勞撫字去官之日民亦愛戴如失乳哺歲久猶稱道惠政弗置無異曾稽父老桐鄉子弟也語云蓬生麻中不扶自植後之握符綰綬者苟取鑒先賢亦孰敢肆爲敗類以玷迺邑乘乎修懿萬子曰司牧者萬民之本也周官三百六十屬獨重長正親民故也世之記循卓者衆矣亦知循卓有難易歟蓋天下宴然民社無事卽有事矣而爲所欲爲爲所得爲此日之稱循卓猶易易也今封則時事孔難矣民生多故矣醫瘡剜肉百姓嗷嗷日以疾痛呼父母而父母亦靡室靡家單騎六載身廬曠野手闢汗萊心力殫瘁而荼苦不敢以告人詩曰予手拮据予口卒瘁又曰予未有室家予室翹翹風雨所飄搖予維音嘒嘒此則今日令封者之謂也蓋或當無事而補苴太平或值多難而調濟艱苦或際境治安全而坐守

畫一或遭淪胥昏墊而奔走經營其功雖不敢分上下其時則不可不分難
易也

僚屬

縣丞

張宗海直隸溧陽縣人秀才洪武四年任適兵燹之餘民多流移留心招撫
不踰年而復業者千餘戶自是戶口日增田野日闢陞寧陵知縣入名宦志秦

世傑直隸廬州府人洪武九年任邑居規制多所建立 孫獻洪武十五年

任 王文直洪武十七年任 周公輔直隸行唐縣人洪武二十年任 方

矩陝西富平縣人監生洪武二十一年任 盛典浙江鄞縣人洪武三十年

任 梁成直隸懷柔縣人監生洪武三十四年任 徐道元浙江嘉興縣人

監生永樂二年任 秦毅山東壽張縣人監生永樂四年任 王琦直隸高

郵州人吏員永樂八年任 裕從道山東齊東縣人人才永樂十年任 熊

紹宗湖廣天水縣人吏員永樂十六年任 郭敏山東博興縣人吏員永樂

十七年任 蕭都山西大同府人吏員十八年任 夏蕙直隸盧江縣人吏

員宣德元年任 孟整山東益都縣人監生宣德元年任 郭英陝西邠州

人監生正統五年任 金志江西會昌縣人監生正統十二年任 墨芸山

西廣靈縣人舉人景泰三年任 陳有信湖廣長沙府人景泰五年任 袁

寧直隸江都縣人監生景泰七年任 鄧勉湖廣劉陽縣人監生天順元年

任 楊文魁浙江餘姚縣人天順七年任 沈琦直隸棗強縣人監生成化

元年任 張達山東商河縣人監生成化五年任 王恭山東濱州人監生

成化十二年任 溫英陝西三源縣人監生成化十七年任 范銓山西蒲

州人監生成化十八年任 王瑛山西曲沃縣人監生成化十九年任 何

源湖廣道州人成化二十二年任 何綺直隸雄縣人成化二十五年任

趙雲直隸永年縣人監生宏治元年任 陳貴陝西狄道人監生宏治二年

任 張暘山西夏縣人監生宏治六年任 龔茂永四川成都府人吏員宏

治九年任 李廷樞穎元縣人監生宏治十一年任 劉景直隸蠡縣人監

生宏治十二年任 唐森浙江慈谿人吏員宏治十四年任 王相直隸南

宮縣人監生宏治十六年任 朱昶直隸常熟縣人監生正德二年任 姚

紀陝西通渭縣人監生正德五年任 李貫山西屯留縣人監生正德八年

任 李嶧山東泗水縣人監生正德十一年任 杜文貫湖廣長沙府人吏

員正德十四年任 許綱湖廣石首縣人監生嘉靖五年任 呂毓資山東

平陰縣人監生嘉靖八年任 李廷樞直隸宿寧縣人監生嘉靖九年任

趙昌齡山西廣靈縣人監生嘉靖十四年任 尹玉直隸靈壽縣人監生嘉

靖十六年任 陳悅江西高安縣人吏員嘉靖二十一年任 孫士奇山東

嶧縣人監生嘉靖二十四年任 綽冊山西高平縣人監生嘉靖三十年任

周安山東歷城縣人吏員嘉靖三十四年任 賈應豸直隸淮安縣人監

生嘉靖三十七年任 鄭琦直隸蘇州人吏員嘉靖四十年任 姜臣直隸

倉州人監生嘉靖四十三年任 寇學詩吏員嘉靖四十四年任 許長齡

直隸宛平縣人官生嘉靖四十五年任 劉一相山東章邱縣人監生隆慶

二年任 董世宦山東鄒縣人監生隆慶五年任 徐元浙江海寧縣人吏

員萬歷元年任 王玟陝西岐山縣人歲貢萬歷四年任 李凌璜山西陽

曲縣人歲貢萬歷七年任 楊宗祿直隸肅寧縣人選貢萬歷九年任 鄔

伯述浙江寧海縣人監生萬歷十二年任 范時棟山東歷城縣人選貢萬

歷十五年任 朱以成江西清江縣人恩貢萬歷十八年任 王邦治山西

平順縣人選貢萬歷二十一年任 張堯佐山西寧鄉縣人選貢萬歷二十

五年任陞延津縣知縣勸民爲善修學有功 王序湖廣清浪人選貢萬歷

三十年任陞四川隣水縣知縣 陳一和江西萬安縣人吏員萬歷三十四

年任 向之廉四川雲陽縣人選貢萬歷三十六年任陞貴州平越府通判

郭生芹山西曲沃縣人監生萬歷四十一年任 王方泰貢士萬歷四十

六年任 穆孔卓直隸任邱縣人監生天啟三年任 劉奠基浙江山陰縣

人儒士天啟七年任 尹倬山東曹縣人恩貢崇禎三年任陞山西大同府經歷 王宏德江南鳳陽縣人吏員崇禎六年任 張懋勳貢生崇禎七年任 李月蔚山西和順縣人恩貢崇禎八年任陞歸德府睢州衛經歷 羅衆善山西太原縣人貢生崇禎十一年任 麻光宇直隸冀州人恩貢崇禎十三年任

國朝縣丞

聞自明山西清源縣人吏員順治二年任 胡潢浙江山陰縣人吏員順治四年任陞苑馬寺主簿 張大章山西高平縣人歲貢順治十四年任

按丞之佐邑各隨其地職業不倫考汴屬各邑有治河務者有兼轄鹽政者唯封嵒以部糧爲任每歲自漕輓而外輒可運甓哦松昌黎藍田廳壁記其

爲封丞寫照耶河決後官無定署常僦居村落間竹籬茅舍桑戶繩樞凄其不可名狀

主簿

游藝直隸宛平縣人洪武八年任 都彬山西陵川縣人洪武十四年任

力伯起福建侯官縣人洪武二十四年任 曾景槐福建侯官縣人洪武二

十五年任 郭景義直隸魏縣人洪武二十八年任 石隣山西萬全縣人

洪武三十一年任 官口山東曹縣人吏員永樂五年任 許俊四川新寧

縣人永樂七年任 婁禮直隸當塗縣人永樂十五年任 周文山東青城

縣人吏員永樂十五年任 張縉直隸和州人監生永樂十八年任 賈慨

山西平陽府人監生正統十年任 李庸山東泗州人監生正統十二年任

趙應芳四川巴縣人天順五年任 徐闈山東莒州人監生成化元年任

安盤陝西秦州人監生成化六年任 張進直隸高陽縣人監生成化十

八年任 劉霽山東海豐縣人成化二十二年任 楊紳四川閬中縣人宏

治元年任 崔永亨直隸宛平縣人宏治三年任 馬驥直隸威縣人監生

宏治五年任 胡璉山西岢嵐州人監生宏治六年任 張彪直隸臨城縣

人監生宏治七年任 楊昭陝西隴州人監生宏治八年任 張哲直隸高

誼縣人監生宏治十五年任 薛鳳陝西長安縣人吏員宏治十七年任

王弼山東昌樂縣人監生宏治十八年任 賈泉山西馬邑縣人監生正德

三年任 康濟陝西長安縣人監生正德六年任 令秀陝西甘州衛人監

生正德七年任 陳大經直隸開州人監生正德十一年任 杜洪直隸懷

柔縣人監生正德十四年任 周金直隸豐閏縣人監生嘉靖元年任 符
珽陝西武功縣人監生嘉靖四年任 路鎧直隸永年縣人監生嘉靖六年
任 謝鉞山東博平縣人監生嘉靖八年任 張洽陝西平涼縣人監生嘉

靖十四年任 劉惠直隸大州人監生嘉靖十五年任 郭九臯山東靈山
衛人監生嘉靖二十年任 高文光山西繁峙縣人監生嘉靖二十年任

沈席珍直隸慶都縣人監生嘉靖二十三年任 李馨湖廣鄖陽縣人監生
嘉靖二十四年任 杜天祿陝西同州人監生嘉靖二十五年任 高九錫

陝西鄜州人監生嘉靖二十六年任 馬允敬直隸沛縣人監生嘉靖十三
年任 陳縉山西大同縣人監生嘉靖三十一年任 季還直隸倉州人監
生嘉靖三十五年任 毛存古直隸滑縣人監生嘉靖三十六年任 姚景

春山東蒙陰縣人吏員嘉靖三十八年任 朱春旺直隸蘇州人監生嘉靖

三十九年任 楊鏜直隸興濟縣人監生嘉靖四十一年任 侯思忠直隸

苑縣人監生嘉靖四十二年任 張朝政山東章邱縣人監生嘉靖四十四

年任 趙珂山西陸安縣人監生嘉靖四十五年任 張應奎直隸霸州人

監生隆慶三年任 邊濬直隸任邱縣人監生萬歷二年任 李歸極直隸

遵化縣人監生萬歷五年任 安勳直隸雄縣人監生萬歷八年任 呂騰

翼山東福山縣人監生萬歷十一年任 張九苞霸州人監生萬歷十四年

任 毛禎江西峽江縣人監生萬歷十六年任 傅思誠浙江山陰縣人監

生萬歷十七年任 王從諫陝西盧施縣人監生萬歷十九年任 單汝安

山東新泰縣人監生萬歷二十年任 胡效忠直隸定州人監生萬歷二十

二年任 趙謙山東嶧縣人監生萬歷二十四年任 鄧元魁湖廣常寧縣人監生萬歷二十六年任 吳汝才浙江義烏縣人吏員萬歷三十三年任 王紳山東昌邑縣人吏員萬歷三十三年任 項仕衢直隸宿松縣人吏員萬歷三十八年任 陳貞吉直隸江浦人 芮惟純天啟年間任 胡廷獻崇禎十一年任 沈成章崇禎十四年任

國朝主簿

鄭世位直隸徽州府吏員順治六年任 蔣一傑浙江諸暨縣人吏員順治六年任 倪夔臣浙江仁和縣人吏員順治十年任 胡耒貢浙江建德縣人吏員順治十五年任

楊庸直隸江陰人任縣人
崔福山東平原人任縣人
劉贊山西大同人任縣人
張名惠直隸良鄉人

縣人
洪武六年任
武胡楫陝西臨洮人任縣人
張銘直隸東安人任縣人
高志道山東平原人任縣人
洪武十四年任

朱全直隸曲陽人任縣人
宋奎直隸曲陽人任縣人
宋鐸山東膠州人任縣人
郭思義湖廣孝感人

成化二年任
萬通陝西藍田人任縣人
董義直隸趙州人任縣人
李性山東臨朐人任縣人
李賢

直隸廣宗縣人
趙鑑山東曲阜人任縣人
班通山東莊平人任縣人
張瀚山東平原人任縣人
宏治十七年任

年任
曹棫山東東平人任縣人
陳宇直隸常塗人任縣人
王儒陝西涇陽人任縣人
賈廷章直隸

龍慶州人
正德三年任
翟雄山西猗氏人任縣人
蔡尙經湖廣黃岡人任縣人
楊邦祥陝西朝邑人

九年任
存心謹
易本先湖廣黃岡人任縣人
劉舉直隸順義人任縣人
史鸞山東泰安人

嘉靖八年任
馬澄嘉靖二年任
鄭廷瑞嘉靖五年任
辛仲臣嘉靖九年任
常安山東范縣人

十五年任
姚錦嘉靖四年任
陳文伯隆慶二年任
潘時楊隆慶四年任
闕詔山東章邱人任縣人
沈

清員直隸蕪湖縣人吏季從大直隸任邱縣人吏王豸直隸合肥縣人吏危建

安福建建陽縣人吏黃隆福建同安縣人吏宋聘山東樂安縣人吏嚴灘江西

清江縣人吏員萬陳世登山西高平縣人吏員唐時化直隸武清縣人吏員

朱大本浙江山陰縣人吏員王應坤直隸東光縣人吏員鄧永春江西南昌

萬歷三十宋東華浙江太平縣人吏員尤可增直隸高郵州人吏員項廷輝

直隸歙縣人吏員孫焯員口口口口人吏孟養恬陝西華州人吏趙啟祥直隸

德州人吏員崇楊正秀江西贛縣人吏員

國朝典史

姚清浙江錢塘籍順天武功中張學直隸清苑人吏員

嘗謂分守令之任共牧民之責者佐貳是也官有正副而職同位有尊卑而

事同古委吏士師小官亦凜凜奉法畢忠盡職總之廩祿雖薄皆食百姓脂膏官秩雖微皆沾綸綍卽吾封幕貳先是功能著見遷擢而去者蓋不乏人夫國恩捐糜難報而吏議綜覈綦嚴賢智自能預鑒善敗其厥位惟謹且佐貳連擢三兩任功亦足垂後祿亦足養廉歸里亦足以耀宗祖而重鄉閭故夫勸課簿書糾詰之任均足以造福一邑用垂不朽者奈何不勉之以需後效哉

按張晴有聲下邳仇香不爲鷹鷂而王渙嘆曰枳棘非鸞鳳所棲百里豈大賢之路誠知夫曲曲掾署不足以盡豪傑也昔王龍標高達夫王摩詰諸君子皆以縣尉起家而李藥師由馬邑丞致身將相自古名位之不足困人可概見矣封僚佐歷代多偉人而近居是選者亦超然殊於他邑明道先生曰

一命之士存心愛物於人必有所濟是知職不論大小時不問難易地不拘
豐瘠皆可以民社自任皆可以功庸自奮皆可以遠大自期也惜明季姓氏
日月多所遺失俟詳考補入

按簿管河尉主捕盜皆劇職也隄防莫險於封而場廠物料委積瀾漫恆恐
有意外之虞守堤堡夫皆貧婪善逃緩之則公旬廢弛急之則怨謗交作近
以除荒減餼俸入不足糊口而歲時伏臘風雨寒暑頃刻無敢離河渚誠勞
苦况瘁之至矣邑界山左直隸東鄉多萑葦不毛介馬鳴鏑者恆狶突封壤
民居星散力不能禦距邑又最遠尉立法巡徼則賊蹤飄忽恆不能遇聞報
率衆捕之則賊已遠颺以故時受譴罰近且城郭未完鳴吠之憂衣裯切戒
幸而四郊寧謐少釋重負又有僉委遠役奔驚不遑憂悵踵蹶無片晷暇逸

者蓋豆區微員在他邑或猶康裕而處封之地又際封之時其安危勞逸不可同年語也

師儒

儒學教諭

徐益至山西翼城縣人儒士洪武十六年任 王兼山東莒州人洪武二十年任 王春直隸贊黃縣人舉人洪武三十一年任 劉鎰湖廣黃岡縣人舉人永樂二年任 陳晉山東武定州人永樂十三年任捐俸修學勤誨生徒 徐敬直隸贛榆縣人 潘綸浙江山陰縣人監生正統四年任 葉璿浙江鄞縣人監生正統七年任 朱崇榮福建惠安縣人舉人正統十年任 江永安浙江江山縣人舉人 陸珪浙江慈谿縣人監生天順四年任

董人傑直隸靈壽縣人天順八年任 馮珍山東臨朐縣人舉人成化六年任 高繼文福建長樂縣人舉人成化二十一年任啟迪後學多所成就 龐懋直隸景州人舉人弘治六年任 羅文林直隸天津衛人弘治十一年任 何瀚廣東東莞縣人舉人正德六年任教人不忘禦寇有功 莊顯山東歷城縣人監生正德十四年任 李惟粹直隸曲陽縣人監生嘉靖十三年任 張堯弼山西代州人舉人嘉靖二十年任課士有方人文丕振 許金嘉靖二十五年任 吳珠江西湖口縣人嘉靖二十八年任 王州廣西人舉人嘉靖三十年任 程鴻儒直隸吳江縣人嘉靖三十二年任 阮繹如貴州人舉人嘉靖三十七年任 衛紹寵山西澤州人嘉靖四十年任 苗長直隸魏縣人嘉靖四十五年任 茅忠直隸上海縣人隆慶三年任

李尙賓河南洛陽縣人選貢萬歷二年任 姚良卿河南內鄉縣人選貢萬
歷五年任 劉紹元湖廣穀城縣人選貢萬歷十年任 劉國元廣西富州
人舉人萬歷十四年任陞廣東瓊山縣知縣 陸可大山東登州府人萬歷
十九年任 喻會直隸六合縣人萬歷二十二年任 張應辰直隸宜興縣
人萬歷二十五年任 馬載經應天上元縣人萬歷二十七年任 閔繼達
雲南人舉人萬歷三十二年任 李三聘四川江津人舉人萬歷三十八年
任陞湖廣淑浦知縣 鄭弼四川新津縣人舉人萬歷三十五年任陞國子
監學正氣宇凝重才學優長 郭衛民陝西鳳翔府人選貢萬歷四十年任
陞山西沁州學正 劉守讀直隸大名縣人萬歷四十二年任 孫如蘭睢
州人舉人萬歷四十八年任正己率人振興文教一時士風丕振陞同官縣

知縣調阜平陞大理寺評事高尙 強光昇貴州人舉人天啟三年任賦性
慈良躬行訓士惠教旁及齊民陞祀陽縣知縣封民攀轅遺愛有去思碑
許穎光州人舉人崇禎四年任端潔純雅設講堂開藝圃課士有聲協力守
城禦寇封民戴德登甲戌科進士授元城知縣任滿過里遇闖逆殉難

國朝

孫宏祖直隸定縣人恩貢順治四年任陞密雲後衛教授 宗錫印河南濟
源人歲貢順治十年任

訓導

聶復初開封府許州人 江誠直隸潛山縣人永樂元年任 薛真山東博
興縣人舉人永樂八年任陞國子監學正 孫濟山東平度州人前任御史

李春山東濟寧州人舉人永樂十九年任 曹勝湖廣彬州人舉人宣德

八年任 李秀實直隸無極縣人監生正統四年任 孔裴直隸舒城縣人

舉人正統十年任 林滔浙江天台縣人正統十四年任 彭志霄湖廣陵

零縣人舉人學富行優儒林推重 張輝直隸濬縣人監生 裘獻浙江天

台縣人監生成化元年任博學能詩無愧士範 王玉直隸華亭縣人監生

成化四年任 高玘直隸廣宗縣人成化十三年任 韓威陝西朝邑縣人

監生宏治元年任 姜英直隸壽州人宏治六年任 范昇直隸無爲州人

宏治十一年任 張質直隸武進縣人宏治十三年任 王賓山東德州人

宏治十五年任 焦誠直隸東安縣人宏治十五年任 陳傑直隸清苑縣

人正德三年任 傅鸞直隸獲鹿縣人正德四年任 于洪山東卽墨縣人

正德十一年任 王廷偉直隸薊州人正德十三年任 蔡章直隸陸安州

人嘉靖元年任 郭演陝西長安縣人嘉靖五年任 李廷賢直隸豐縣人

嘉靖九年任 吉士直隸海州人嘉靖十年任 熊棟山東滋陽縣人嘉靖

十八年任 黎近光湖廣郴州人嘉靖十九年任 王克家山東人嘉靖二

十年任 馬川遠山東人嘉靖二十一年任 駱九功浙江諸暨縣人嘉靖

二十五年任 張元和江西南昌府人嘉靖二十八年任 嚴明應天府人

嘉靖三十年任 高世薦山西寧鄉縣人嘉靖三十一年任 范希賢直隸

恆水縣人嘉靖三十五年任 屈弦山東壽張縣人嘉靖四十二年任 岳

高湖廣襄陽府人隆慶元年任 曹守貴直隸泰興縣人隆慶二年任 劉

訥山東魚臺縣人萬歷元年任 趙希廉山東館陶縣人選貢萬歷二年任

艾桐陝西谷縣人選貢萬歷四年任 高梅河南郊縣人選貢萬歷七年任
陳喆河南汲縣人選貢萬歷八年任 鍾自成河南遂平縣人選貢萬
歷十一年任 王璉河南臨漳縣人選貢萬歷十四年任 朱梅河南信陽
州人萬歷十七年任 閻大猷山東館陶縣人萬歷十七年任 武惟揚山
西陵州人萬歷十九年任 閻詩山西霍州人萬歷二十一年任 李友梅
湖廣武昌縣人萬歷二十三年任 法汝浩陝西扶風縣人萬歷二十七年
任 紀壯陝西邠州人萬歷三十一年任陞山東單縣知縣 霍敬業直隸
衡水縣人恩貢萬歷三十二年任 華正春河南桐柏縣人萬歷三十四年
任 齊椿齡陝西寧夏衛官籍直隸碭山縣人萬歷三十七年任陞陝西洮
州衛教授 馮普河南林縣人萬歷三十八年任 王視朝河南裕州人萬

歷四十一年任 解臯直隸懷柔縣人萬歷四十一年任 郭履禮直隸靜

海縣人歲貢崇禎十三年任陞延津縣教諭

國朝

趙民表河南新鄉縣人恩貢順治四年任陞扶溝縣教諭 王謝玉河南內

鄉縣人歲貢順治八年任陞通許縣教諭 陳璧聘河南光州人歲貢順治

十三年任缺裁改補

周子曰師道立則善人多古人學必立之師師者人之模範也緬惟白鹿故事雅重林少穎黃知錄諸君子卽推之鄉郡不以爲嫌蓋以得人爲重也然而獲信其教益者惟安定蘇湖最著宋慶歷間嘗取湖學規制通置天下學校行之大要令士人修行敦倫明經致用而已考其時課試不厭詳講會不

厭煩升壇鳴鐸歌雍戴弁之事不厭頻舉以故作人之化遠邁前代封學師多魁梧英碩遷守令入成均者今昔往往有之然而鼓舞振作存乎其人砥行勤教貴有實詣士品醇疵學有勤惰皆司風教者之責也惟其曲體而力行者得之矣

按廣文片席雖號獨冷而起弊扶衰興賢育德匪異人任蓋學校爲人才之本也封庠師儒歷代多正誼明道之士所授弟子員亦循謹溫雅無跣跣黠驚之習晚近以來湖學久廢傍邑類多躍冶不祥而封庠獨秉古禮雖遭河患播遷負耒橫經弗輟素業非振鐸者力乎唯是

聖宮泮沼久圯爲荆礫兩學師寄處村落蕭條異狀近又奉

旨裁減訓導止存教諭一員其任彌專責彌重矣夫以災患頻仍之後而望興

起人文哀集禮樂振前賢將墜之緒修時英幾廢之典自非精思力行正身
淑人盡鼓舞勸掖之術擴至誠動物之本於以考鐘擊鼓用匡有司之不逮
寧有濟乎蓋古人居官任事雖車已駕紉舟已解維其經營弗輟猶區處家
事若謂瓜期將及而視同傳舍日以待來者則今人旣待後人後人復待後
人而學宮茂草終爲樵夫牧豎之藪矣可不憬然悟矍然起乎

封邱縣志卷六

人物

范宣子論死而不朽之道有三曰立德立功立言夫士人動無可則行無可法言無可述與草木同其朽腐何足道哉人物惟三代最醇有宋諸儒近之漢崇經術節義而唐惟詞章是尙今一邑欲兼而有之難矣雖然人有五儀大要在心有所定計有所守聖賢豪杰忠臣孝子義夫節婦所以令一世仰其孤標千古景其懿行者皆在知識信契古人強立不反躡前修而直上之有足多者歷來文章事業節行暉曬冊簡流芳奕世其託基只在日用服習之際如作一事卽思一邑謂我爲何如人天下謂我爲何如人處一人卽思如何無愧於天下之心如何無愧於後世之心洞見長

思貞心力守節行一成炳炳烺烺匪直一邑藉耀實國之紀而邦家之光也吾封河山迤邐輿地綿邈則夫含貞毓秀接莘宛餘芬而興起者不可謂十室無忠信也

按封幅員不滿百里而先世名賢輩出或由徵辟或由制科或起家於掾屬或奮跡於幕僚自一命至九列莫不風節矯然垂諸金石中更有喬梓輝映棣萼聯馨祖孫繼武者文章功業之盛甲於兩河亦奚羨廬江名德先賢之頌乎顧風氣勁樸大概居官以忠信爲本而剛果特立不阿權貴其遭濟艱難之事前後如出一轍又雅尙冲厚不敢恃氣凌物故多享耆頤之壽卒以功名終抑操厲清白宦成恥以華侈耀俗故雖歷官顯達歿後子孫恆不能保其祭器噫廉吏誠可爲而不可爲哉語曰處脂膏而不潤者乃能歷霜雪

而不僵士君子嶽嶽自持不以干澤爲身家計則居常履變自有兀然不可動搖者彼輦金輸璧聚賄以營進之徒一逢小變故輒聲呶股栗洩溷俱遺其敢侃侃正議忤權幸之爪牙乎觀封諸先正則斯言益信云

賢哲

漢百里嵩字景山封邱人爲徐州刺史時值亢旱嵩循行境內部車所至甘

雨輒降人號爲刺史雨時唯東海金鄉辟在山間傳驛未至及卒諡曰使君

民立廟祀焉禱雨輒應入鄉賢祠

三國毛玠字孝先平邱人少爲縣吏以清公稱漢獻帝時曹操以玠爲東曹

掾與崔琰並典選舉其所舉用皆清正之士後遷尙書僕射司馬溫公稱其

拔敦實斥華僞進冲遜抑阿黨時吏潔於上俗移於下貴寵之臣輿服不敢過度長吏還者垢面

羸衣獨乘柴車軍吏入府朝服徒行操嘗嘆曰孤之令不若毛尚書教其見重如此適天亢旱不雨操輒黥人面沒人

妻子為奴玠曰使天下不雨者此也或白操謂玠怨謗操怒收玠付獄侍中

栢階等為之陳理曰玠剛直忠公為眾所憚不宜有此操令人釋玠免官卒

於家 入鄉賢祠

宋趙賀字慶餘封邱人少喪明遇異醫而愈事繼母至孝舉毛詩及第補臨

朐縣主簿淳化中調丁壯塞澶州決河眾役多逸去獨賀全所部而歸遷江

淮制置發運使會太湖塘岸壞及並海支渠多湮廢水浸民田賀為伐石築

堤浚渠引瀦水東注於海流民歸者二萬六千戶歲出田租三十萬後累官

給事中判宗正歷知鄭蔡宋三州以精明稱 按一統志云轉運使李中庸嘗薦賀改官及中庸卒無子賀即

為主喪又圖其像歲時祀於家其篤於恩義若此入鄉賢祠子宗道皆為集賢校理

江端友字子我以元祐黨人之禁摧挫善類憤鬱隱居後吳元中薦授承務郎賜進士改諸王教授上書辦宣仁太后謗誣遭黜渡江居桐江鷓鴣源人號七里先生有自然菴集留嚴陵郡

崔頤正封邱人與弟偓佺並舉進士初爲高密尉以孔維薦爲國學直講刊正諸經音疏遷博士真宗時日召頤正於苑中說尙書大禹謨賜以牙緋甚

優禮之

入賢祠鄉

崔偓佺與兄頤正並舉進士自連江尉入國子監李至奏爲直講真宗謁國學召說尙書賜緋寵異甚厚所著有帝王手鑑十卷

入賢祠鄉

欒崇吉字世昌封邱人乾道中爲吏部令史上書言事稱旨調臨淄主簿明習文法清白勤事累遷江南轉運使尋以司農少卿知洪州有司歲歛民財

造舟崇吉至奏罷之造舟取民非法且傷國體崇吉愛惜之財遷衛尉少卿

以匠作監致仕

入鄉賢祠二子源沂皆舉進士

欒源崇吉子舉進士第仕至虞部員外郎

欒沂崇吉子舉進士第仕至殿中丞

元趙鳳威

元初山宣使任湖廣都鎮撫陞濟南路總管

樊魯臣

大德十年任平陽府經歷陞萊州府盤陽路總管

白三府

大德十年任山東濮州判官累官至翰林院學士

董竹川

至正五年任戶部侍郎遷真定參政

衡守敬

至正十五年任江西靖安縣知縣陞通州知州

鄭思齊

元末登進士為戶部主事洪武初任福建興化府知府

明殷和由秀才薦舉洪武六年任儀禮司序班歷陞行人

謝昇由明經行修薦舉洪武六年任興化縣知縣

李英由質美行篤薦舉洪武八年任閩鄉縣典史贊治有聲陞漢中府知府

李溥由儒士薦舉仕至通政司通政

朱九臯由明經授本縣儒學訓導

彭守信由秀才薦舉任建始縣知縣

劉祥由秀才薦舉任南陽縣知縣

劉英由賢良薦舉任建昌府同知

李成學由通經儒士薦舉授本縣儒學訓導

劉世英由人才薦舉任蔚州知州

紀從德由人才薦舉任清苑縣知縣

孫禮由人才薦舉任瀘州府知府

衛敬永樂十一年由人才薦舉任真定府定州判官

鄭孟由老人任新泰縣知縣

石郁永樂十三年任北京兵馬指揮

李洪宣德某年任南京兵馬指揮

黃紱字用章封邱人正統間舉進士除行人遷南京員外郎郎中廉峻剛直

遇事鹵發正色山立不避權貴出為四川參議轉參政嘗如崇慶旋風擁車不得行紱曰汝冤氣

耶乃禱諸城隍夜夢若有人言西寺者詰朝捕歷遷江西湖廣布政使湖廣有妖

僧謀亂紱以計鋼擒之會兩京興大工徵銀貳萬紱以庫積羨餘充之於民

無所取擾又勢豪逼索馬快船債及荆王奏徙墳塚紱悉不從省費巨萬遷

都御史巡撫延綏乃捕豪猾問病苦拯困恤孤

又汰尼姑以配鰥一軍大悅願為效死

尋進戶

部尚書改左都御史無何致仕紱登仕籍凡五十年以愷直聞勁節凜然時

忤當事者稍不為屈然亦能保其始終云

入鄉賢祠

陳俎嘉靖壬辰進士任廣平知府官至山西兵備副使居官剛正不阿守廣

平多惠政修臨洛關民至今祀之

入名宦鄉賢祠

邊有猷萬歷甲戌進士歷官至山東布政司右布政使加太僕寺卿所至有

異績

入名宦鄉賢祠與子之靖俱有傳

李曰敬號盡軒由明經歷官阜平令拒璫燄撤礦稅剛毅正直力折權邪阜

人勒功五臺陞岳州府通判清節彌著詳載全傳中

入鄉賢祠

邊之靖有猷子萬歷丙辰進士官至兵部武庫司員外郎生平至性孝友令

興化平劇盜革弊政民咸德之

入名宦祠

李載陽

曰敬孫

登明經選授夏邑教諭攝柘城篆士民戴德今

皇清定鼎補

首善學博訓諸士子務孝友崇文藝力行靡倦蒞任未幾傳直指公諱星

遂具疏特薦

天聽云順天府儒學訓導李載陽學貫天人才優經濟文章氣節皆足以表率

人倫經世才也奉

旨故並書之使後世知廣文之官一節之長亦不泯泯無聞云

李嵩陽

曰敬孫

登庚午賢書逆寇圍汴挈家寓

都門今

上定鼎授工部司務遷吏部司務陞兵部督捕員外郎未幾武選改廣東道御史巡視東城奉

命丈河間等處地稱

旨遂視鹺兩淮復

命提督上江學政以能正文體遂併下江歸焉秩滿具疏求終養予假六月補隴右參議丁母夫人憂服闋補溫處道右參議

李岱陽

曰敬之孫

登乙酉科賢書中丙戌科進士

歐陽修曰珠潛於泥玉潛於璞夫潛則其美何由自見迨其紫芒光耀出乎塵埃潤乎明庭圭璋特達然後知其寶也夫賢哲亦若斯矣士方泥蟠蠖伏

與庸衆奚異一旦委身事主仗義立朝勁節鴻名遂爾炤耀今古封壤地僅
百里乃徵聘視大邦則過之并是一二先達矯節可風儀刑在望郡志謂重
節義於斯可觀矣嗚呼前嫩後監遞相印證執德欲宏取法貴遠有斯志者
可與咏世烈而誦清芬矣

科貢

宋進士

趙賀淳化舉毛詩及第官至給事中判宗正

賢入鄉祠

崔頤正咸和登第任高密尉官至國學直講

賢入鄉祠

崔偓佺咸和登第任連江尉官至國學直講

賢入鄉祠

欒源乾道登第官至虞部員外郎

欒沂乾道登第官至殿中丞

元進士

常堅乙未及第探花任翰林院編修

明進士

王玉洪武歷任鴻臚寺卿官至都察院都御史

鄭宗祖思齊之子洪武歷任浙江參政陞廣東左布政使

黃紱正統戊辰科歷任巡撫延綏都御史官至戶部尙書改都察院左都御

史剛方峻直觸邪黜姦權豪多畏避之入鄉賢祠

李振綱成化辛丑科任太常寺博士官至浙江道監察御史正色立朝不避

權貴時稱得風憲體入鄉賢祠

劉繼德嘉靖丁丑科任大理寺評事官至通政司左通政

陳俎嘉靖壬辰科歷任廣平府知府官至山西兵備副使

郭斗嘉靖癸丑科歷任南京戶科左給事中官至浙江左布政使

邊有猷萬曆甲戌科歷任按察司按察使官至山東布政司右布政使加太

僕寺卿

入鄉賢祠

邊之靖有猷之子萬曆丙辰科歷任兵部武庫司員外郎

國朝進士

李岱陽曰敬之孫順治丙戌科任山西汾陽縣知縣

袁孕秀順治己丑科授河南彰德府學教授

萬泰順治壬辰科授河南懷慶府學教授陞國子監監丞

明朝舉人

呂鵬南永樂乙酉科任知州

張震永樂乙酉科任西安府同知官至知府

曹貫永樂戊子科任訓導

李節永樂甲午科任知縣

彭寧永樂甲午科

劉謙永樂丁酉科任教諭

宋秉彝永樂庚子科

孫顯永樂癸卯科

高亮宣德丙午科序班

方顯宣德己酉科任教授

石齡宣德壬子科

謝寧宣德丁卯科任教諭陞饒州府教授

黃紱正統舉人登進士官至戶部尙書左都御史

李偉正統辛酉科任教授

晁銓正統辛酉科任知州官至知府

何鑑

禎之子

正統丁卯科任渭南縣教諭

周和景泰唐子科任教諭

劉振景泰丙午科歷任翰林院孔目學博才清所著有直暇日集

韓謹天順己卯科任平涼府教授多學善誨塾庠多所陶成

賈宣天順己卯科任歷城縣知縣政聲大振陞太安知州歷民懷之爲立去思碑有大學士楊士奇贊詩勒後

吳雄成化戊子科任韓城縣知縣

劉璠成化戊子科任辰州府推官

李振綱成化庚子科登進士官至監察御史

鄭哲成化辛卯科

姬能成化辛卯科

高璣亮之子成化甲午科

方德懋顯之子成化癸卯科歷任浙江道監察御史正直不干有司謙冲不做

閭里

黃彬子級之成化丙午科任工部司務

劉瓚成化甲午科任德州長史

韓鑿子謹之成化庚午科任潞州府同知

王懋宏治壬子科

王洧正德癸酉科

劉繼德嘉靖舉人登進士官至通政司左通政

陳俎嘉靖戊子科魁經登進士官至兵備副使

張冲霄嘉靖丙午科魁亞任知縣

劉繼芳嘉靖己酉科任知縣

王佐才嘉靖己酉科任淄川縣知縣

郭斗嘉靖舉人登進士官至布政司左布政使

邊有猷隆慶庚午科登進士官至布政司右布政使加太僕寺卿

盧時茂萬歷戊子科任饒陽縣知縣

郭維屏斗之子萬歷年間任太平府知府

張鎔萬歷辛卯科

薛永寧萬歷辛卯科任遷安縣知縣

邊之靖有猷之子萬歷癸卯科魁亞登進士官至兵部員外

李嵩陽曰敬之孫崇禎庚午科歷官兩淮巡鹽監察御史督學江南陞浙江溫處

道右參議

萬花崇禎壬午科歷任廣西蒼梧兵巡道兼參議

國朝舉人

李岱陽

曰敬之孫

順治乙酉科登進士任山西汾陽知縣

葛孕秀順治丙戌科登進士任彰德府教授

常偉順治丙戌科博學工文品甚清粹惜蚤卒

萬泰順治戊子科登進士任懷慶府教授陞國子監監丞

杜長春順治戊子科誠恪莊毅有大受之望惜蚤卒

柴薦盥順治甲午科

萬維賢順治丁酉科

明貢士

朱榮洪武八年貢任知縣

楊敬洪武十五年貢任御史

溫賢洪武十七

年貢任知縣 賈獻洪武十八年貢任知縣 高羽洪武十九年貢任理問

張翼洪武二十年貢任判官 趙恂洪武二十一年貢任知縣 張端永

樂五年貢任知縣 曹升永樂六年貢任主簿 晁淵永樂七年貢任主事

何禎永樂九年貢任知州 劉忠永樂十年貢 張彝永樂十一年貢

陳裔永樂十三年貢 劉憲永樂十五年貢 賈麟永樂十六年貢 宋安

永樂十七年貢任內黃縣知縣善治得民陞滁州知州內黃民不忍舍老稚
千餘人赴京保留乃以滁州知州仍留內黃治縣事民於內黃立祠以祀之

高儼宣德二年貢任主簿 王溥宣德五年貢任吏目 張謙宣德七年

貢任訓導 蕭詔宣德九年貢任通判 李誼正統二年貢 姬歆正統五

年貢任縣丞 李芳貢正統六年貢任通判 邵忠正統七年貢任訓導

姚忠正統八年貢任縣丞 趙容正統九年貢任經歷 趙暹正統十一年

貢任縣丞 封靖正統十三年貢 郭弼正統十四年貢 閻澤景泰元年

貢任訓導 高潔景泰三年貢任靖安縣知縣政多仁愛恥爲寅緣辭官謝

政民遮留之不已 姚理景泰五年貢任審理 張瑄景泰七年貢任檢校

武修天順元年貢任教諭 范欽天順三年貢 李喆任知縣 許廉任

訓導 宋瓚任縣丞 尹瓚任教諭 陳鉞任伴讀 孫賢任主簿 張化

任典史 謝可任教諭 馮傑任縣丞 柴澐任主簿以上十人天順六年

同貢 孫元天順八年貢任經歷 范傑成化二年貢任知縣 谷英成化

四年貢任知縣 劉昇成化六年貢任吏目 柴溥成化八年貢任主簿

柴舉成化十年貢任縣丞 蕭登成化十二年貢任訓導 李世英成化十

四年貢任訓導 潘巖成化十六年貢任教諭 王翰成化十三年貢任照

磨 許旺成化二十年貢任縣丞 張文璽成化二十二年貢 王宜用宏

治元年貢任判官 李旺宏治二年貢任州同知 賈琥宏治四年貢任訓

導 韓俊宏治六年貢任經歷 姚沂宏治八年貢任訓導 張口宏治十

年貢 楊孟宏治十一年貢 石燦宏治十五年貢 郭聰宏治十七年貢

任訓導 李祿正德元年貢任主簿 韓鑾謹之子正德二年貢任定興教諭

惻悞無華有長者之風 范清傑之子正德五年貢 陳昂鉞之子正德七年貢

任教諭 劉縉正德九年貢 何洲鑑之子正德十一年貢任安化教諭 孟

賢正德十三年貢任遵化訓導嗜學不厭誨人不倦 高雲漢潔之孫正德十

五年貢任成安知縣少負重名事親至孝有寄哀圖詩 方得隆顯之子正德

十六年貢任安定訓導 孫紹嘉靖元年貢 韓鑒子嘉靖二年貢任太

僕寺主簿 高雲霓孫嘉靖三年貢 孫節嘉靖五年貢 谷淮嘉靖七

年貢任武進主簿 王春嘉靖九年貢 謝德明孫嘉靖十一年貢任涇

陽教諭 賈憲章子嘉靖十二年貢 孫柱嘉靖十三年選貢 王軒嘉

靖十五年貢任平原縣訓導 石允德嘉靖十七年貢任順德府訓導 謝

德純孫嘉靖十八年貢 李喬年子嘉靖十九年貢 劉約嘉靖二十

年貢 邵鉉嘉靖二十一年貢 劉璐嘉靖二十二年貢任教諭 畏璣嘉

靖二十四年貢任教諭 賈至中嘉靖二十七年貢任訓導 劉鏊嘉靖二

十九年貢任訓導 范騰蛟嘉靖三十年貢任訓導 朱祚昌嘉靖三十三

年貢 趙永元嘉靖三十五年貢任訓導陸教諭 李琛嘉靖三十七年貢

順親適志孝行可嘉 劉純嘉靖三十九年貢任訓導陞教諭存心愛衆雅

意修儀 邊實嘉靖四十年貢任鳳陽訓導陞行唐教諭立心忠厚制行端

朴贈參政 張鑰嘉靖四十三年貢任州同知 張四時嘉靖四十五年貢

任訓導陞教諭多學能文睦族尙義 劉文昌隆慶二年貢任訓導陞教諭

李鳴鳳隆慶四年貢任訓導陞教諭 任德隆慶六年貢任訓導 陳緯

萬歷元年恩貢 張鎬萬歷三年貢任萬載縣丞轉平陸縣丞 朱愚萬歷

五年貢任訓導 張銘萬歷七年貢任南官訓導持身不懈課士有方 范

鎬萬歷九年貢任河曲知縣 黃嘉謨萬歷十一年貢 侯洛萬歷十三年

貢 姬繪萬歷十五年貢任訓導 陳所學萬歷十七年貢 劉繼芬萬歷

十九年貢任豐縣訓導 范桂芳鎬之子萬歷二十一年選貢任和州同知

張上澤

子銘之

萬歷二十三年選貢任青州府通判陞遼州知州

李曰敬

之琛

子萬歷二十五年貢歷任阜平知縣陞岳州府通判

賢入鄉祠

劉祖武

子純之

萬

歷二十七年貢任范縣訓導

陳翰卿萬歷二十九年貢任穎州訓導

葛

祥萬歷三十一年貢任泗州訓導

姚典萬歷三十三年貢任訓導

周流

萬歷三十四年貢任廣平府訓導

邊之藩萬歷三十六年貢任睢州訓導

馬伯亮萬歷三十八年貢

范錫萬歷四十年貢

劉壘萬歷四十二年

貢 李可傳萬歷年貢

鄭鳳翔萬歷年貢

尚雲程萬歷年貢任訓導

田向榮萬歷年貢

邊韜勝

有猷之孫

泰昌元年恩選貢

馮廷試天啟元年恩

選貢 王文繡天啟年貢

方無偏天啟年貢任輝縣教諭

賈朝選天啟

年貢任訓導

趙維熊崇禎年貢任訓導陞趙州學正

李載陽

曰敬之孫

崇禎

年貢任順天府訓導按院薦有學貫天人才優經濟等語 張上洵銜之子 崇

禎年貢任孟縣訓導 尙九重崇禎年貢歷任教授陞浙江嘉興縣主簿

李五常崇禎年貢任宜陽訓導陞教諭 葛杰崇禎年貢任涉縣訓導 邊

望勝有猷之孫崇禎年貢任永豐縣知縣 尙助明崇禎年貢

國朝貢士

邊筭勝有猷之子順治元年恩貢任浙江上虞縣知縣 趙韞玉順治元年

貢歷任懷慶教授陞浙江嘉興縣主簿 李太陽曰敬之孫順治二年貢監 王

籲璞順治三年貢任固始訓導 趙光普順治五年恩貢任山東齊河縣知

縣 鄭守貞順治六年貢任汝州訓導 辛洞然順治八年恩貢候選通判

賈衛邦順治八年貢 邊箸勝有猷之子順治十年任陝西狄道縣丞

任性鐸順治十一年拔貢 馮養中順治十三年貢 李履純順治十五年

貢 劉漢寵歲貢任魯山縣教諭

明初景運肇啟廣闢賢路一時龍轡虎變之士霞起雲蒸故徵薦科貢取士非止一途永樂始罷人才薦舉用科貢始於四書五經大全頒布而後蓋尊尚經術以文章飾吏治至意也時猶三途並用羣賢彙進其人均足以樹光明俊偉之業非有二也厥後射貢稍殊徵辟遂廢夫士挾所學以出仰酌知遇何人不可建勳立伐輔猳國運造福元元者謂可以文藝概流品哉制舉無逐勢利之習以隳久大之績卽明經亦不狃資格之程以建畸魁之業而取士者更大闢紘網徵薦與科貢一體而甄收之書曰立賢無方詩曰濟濟多士文王以寧掄材之途蓋不容以不廣也

按封科目雖未稱極盛而歷代鄉會兩闈恆不致寂寥寡聞其獲雋者類屬名士通籍後聲譽蔚起或立致臺省或參知藩臬或侍從清華或晉陟獨坐其清風偉烈前後輩若出一揆亦山川風氣所毓也至恩選歲薦雖曰一邑之譽髦而任學博者訓厲英賢司民社者述宣政教各克以功名自奮無曠嘖頽暮之氣亦他邑所罕及也鄉士大夫居家謹厚約勅子弟用古道孝友節儉僮僕無鮮衣怒馬之飾遇里巷父老恂恂自下敦睦和煦無兼併田廬傲睨宗戚之習登賢書捷南宮還者往往子居徒步無乘軒策肥招搖侈肆之態凡此皆封先達積行流風淑其遺俗者也近遭河患播遷外壤或至以官爲家而孝廉明經尤無資生之策中州士大夫能安貧守道者當以封爲首出也然人文蔚起型仁講讓務以風教相砥勉是又在良有司之共爲夾

持耳

封贈

黃秀紱之祖贈都察院左都御史

黃中紱之父贈都察院左都御史

李和振綱之父封太常寺博士

方正德懋之父封浙江道監察御史

劉俊璠之父贈都事

樊泰慶之父封經歷

宋瓚輅之父贈經歷

陳同俎之父封戶部主事加封郎中韓氏俎母贈安人

邊鴻有猷之祖贈山東布政司參政熊氏樊氏有猷祖母贈淑人

邊實有猷之父封長垣縣知縣贈常州府知府加贈山東布政司參政李氏
封儒人贈淑人有猷妻劉氏封恭人加封淑人

國家推恩懿典必及本始卽虞周延賞釐錫之舊有三勸焉示國有寵渥待
士甚厚一也酌先世積德見祖父有義方之訓必食其報二也體人子榮親
之心以寵異之寓以孝治天下之深意三也賞且寓勸真不朽之盛典哉然
而拜命益共則耆艾永終居寵驕溢則孝慈難改盡職與保寵先後可不遞
慎與

按封自明季迄

國朝通顯者雖衆而邀

恩賙贈者尙無其人豈崇德報功之典獨靳於此歟抑顯親揚名猶需其後耶
今

朝廷以孝治天下宏推錫類凡職羣工咸得以華臚上及所生此卽移孝教忠
之義也士之被服寵榮者出則以仁民振家聲以報國可不益靖其爾位以
纘迺祖服乎周宣策封召穆曰釐爾圭瓚桓鬯一鹵又曰召公是似肇敏戎
功誠嘉之誠勉之也

恩賙

黃桓紱之子賡監生任知州

自昔德懋懋官官懋懋賞周有世祿世官待臣之禮可謂曲盡矣迨漢代汲
黯霍光諸人供以世顯蓋象賢之印其後先輝映有若此者明有恩賙俾大

臣印嗣得入城均補官爲郎或至郡首殊恩洵及實有加而無己人臣卽盡
瘁鞠躬何以爲報哉嗟嗟盛美難乎其繼而忠孝可以相成膺斯寵遇者當
思所以報主恩而光先德以無忝厥職則若而人者亦王國之梓楠棟棟也
按封任子自黃栢而外寥寥無嗣音者知

國恩非易邀也漢張安世唐李德裕皆以父蔭起家爲奕世名將相士之承藉
先澤能卓然自樹立者固不可以膏粱子弟輕爲品目也今

國家優厚羣工凡內外効節勤事之臣或錄

恩於及身或垂卹於歿後恆令其子若孫入成均讀書後襲蔭補官以世沾

寵祿誠盛典也封之士大夫誠感奮欲庇其後昆可不益展乃庸以光茲世澤
乎

例掾

援例

張一本

任衛州
經州

史記言

任主簿

齊埠

任九江
經歷

喬木

任定州
吏目

王邦彥

任洪洞
主簿

柴繼

任青城
主簿

劉雲

任開州
判官

張一鵬

任雲陽
主簿

劉與耕

任濟陽
主簿

朱綉

任南京
序班

趙時

任州
判

張溱

劉文進

王松

鄒卿

王卿

王愛

任光祿
寺署丞

劉文粹

謝渙

劉

存仁

任主簿

孟守教

柴泮

王暹

杜鑛

李時中

任照磨

王進印

杜汝述

國朝援例

李暉陽

廩監

胥掾

馬忠

任州判

王安

任州判

孟舉

任典史

郭傑

任縣丞

王臣

任典史

焦愷

任大使

吳秀

任舉

宋

輅任州同知趙鸞任州同知張瓚任州判喬遷任州同知周大本任監事樊慶任經張漢任主簿段

舉任主簿婁宥任主簿謝大紀任典史王聰任主簿孫廷玉任副使孫福任主簿荆繪任典

史李恭任典史范洪任典史韓洪任經張倫任典史馬富任典史劉昇任典史劉輅任典史

田經任典史張時敏任知事李進任典史楊盛任典史邵純任驛丞姜大川任經張鼎任經

陞州同翟仁任經劉增任大使程騰任大使邊鴻任典史李璋任縣丞正直無私不

取民一錢時號為天下清吏李璋任典史陳崇儒任典史張禹任州判陳言任縣丞周翰

承驛邵佳臣任典史謝志仁任州判封稔任巡檢封樾任大使趙樂堯任典史李東任大使

郭雨任驛丞朱霖任大使陳舜民任巡檢汪璞任大使李洞任縣丞李俊任縣丞李行任巡檢

姬得倉任吏目劉紆任驛丞鄧銘任大使朱卿任大使婁洪任副使張永先任大使王永兆

副使倉王三畏任巡檢張玃任典史張滔任典史劉夢麟任典史王道化任典史張綱任主簿

經歷張士珍

任江夏驛丞陸經歷

柴三省

任大使

劉尙友

任大使

趙三樂

任大使

昔張釋之以入貲拜官卜式以輸粟賜爵卽今例貢生也高適以縣尉食邑渤海曹鼎以邑幕入對大庭卽今吏承職也初未嘗不始於卑微乃其後功業爛焉亦自昭灼千載今佐幕賢能聲名易起况一官敦比畢一念之忠勤一事拮据償一命之寵遇因分杼蘊皆可自效慎無自局品格令國家用人不獲隨才器使之效也

按封例監掾屬雖數百年可屈指盡亦未稱繁盛然貲卽粟監能以清節著聞天下此亦小吏之可傳者也蓋古郡邑守令皆得採選賢幹自辟口口口口口口散員恆簡授清華要職故名士偉人初任不以卑官爲恥而隨分盡能遂登巍顯如封先賢二崔皆以縣尉起家趙慶餘由臨胸主簿欒世昌由

臨淄主簿卒為名臣載邑乘由是推之則資格之說何足圍大賢哉

武弁

元完顏君用

金原氏之族從征淮南有功分地於此在縣西吳村社

明楊貴

大甯衛千戶

段敏

隆慶衛千戶

周正

隆慶衛千戶

李讓

錦衣衛千戶

李福

錦衣衛中將隨駕從征有

功陸本衛鎮撫世襲其職

李鑑

福之子改除直隸武定州守禦鎮撫

李英

鑑之子襲職

陳所聞

宣武衛指揮

劉積德

左通

政劉繼德之子錦衣衛百戶

雷騰

武舉

國朝武舉

袁銓

昔人云文以綏太平武以戡禍亂故帝王久安長治之策在安疆場即一邑

武備惡容置而不講乎封捍蔽省郡控河北藩往劉賊至邑多豪勇射賊退

却遂保全城使賊不得渡河入省汴者封民捍衛之力也然承平日久人以爲無復所事干戈卽武闡對策止拾咳唾詰以武經七書百將韜略之義則惜爾不知試藝略習弓馬按以軍旅卒兩鐃鐃鼓鼙之節則猝不能辨語曰天下雖安忘戰必危安豈可常恃哉儻遠見未萌蓄謀以待之綢繆未然設備以防之則折衝與禦侮有人而文定與武寧攸賴云

按封以武功著者歷代俱鮮豈地乏干城之選家罕超乘之英歟良由風俗馴謹相尙儒雅雖赴桓魁岸之儔漸漬禮樂亦以仁義爲干櫓詩書爲甲冑無復曠目說劍之風故河朔義勇屢載前史而封獨無登壇仗鉞爵通侯邑萬戶者非封人弗能執戈衛社稷也雅尙不存於是耳

孝行

漢李銓少聰慧有志行與兄異母母不愛其兄兄衣食與銓異銓年十五知已衣食勝兄輒不服食母因感悟愛之如一及長孝友兼全宗族鄉黨咸稱誦之

唐楊嵩珪

許由

李頤道皆以孝稱事實失載僅誌其名

詔旌其門仍命州縣存問復其賦稅

明李堪天性至孝母賈氏有疾堪侍湯藥必親嘗然後奉母衣不解帶水漿不入口者數日憂形於色母疾革輒嘗糞甘苦以辨疾勢及親卒廬於墓側三年寢苦枕塊衰衣淡食洪武二十七年有司奏其事

詔旌其門

陳瑛貢士陳裔之子母董氏蚤亡嫡母翟氏乳養成立父沒事翟氏孝謹曲盡子道母疾瑛侍奉旦夕不離側夜則焚香籲天願以身代不數日母疾果愈後母忽以風疾卒瑛哀痛悲號不已數日不食殯歛從禮既葬廬於墓側三年築墓臺高丈餘有白兔馴擾不驚烏鵲結巢於其樹人以爲孝感之應有司具奏

詔旌其門

宋安貢士與兄整春克盡孝友兄疾安誠心懇禱兄疾果愈歷官知州甚有名譽百姓愛之母卒安廬墓三年家族百口共爨庭無間言其一門孝友和睦若此

萬清母徐氏年九十一以疾終清痛哭絕而復甦既塋遂廬於墓側築墓臺

時歲荒歉兼厄疫癘親識勸歸家避患清謝衆不從竟終其志後有司請與

鄉飲

旌表其門

徐廷佐天性耿介事親孝父終痛哭絕而復甦居喪廬墓三年築墓臺時人

共稱其孝有司請與鄉飲

旌表其門

國朝李太陽貢監生御史嵩陽胞弟父興唐病劇醫藥罔効太陽祝天刲股以

進父啖之覺異常味病尋愈里人共稱其孝郡邑共旌之

書曰立愛惟親詩曰無德不報蓋薄於親未有厚於它人者罔極之恩弗報

其所負於世者多矣故孝者良知良能孩提之愛而溥之則橫乎四海充之則入於堯舜於德稱實於倫爲首孝誠恢乎大哉昔陶靖節讚舜禹武周孔孟曾閔爲大孝下及黃孔樂高之屬皆在所錄蓋自顯揚尊養以至啜菽飲水無往非孝存乎自盡而已然自古迄今稱孝者皆自齠髮至白首靡不戰兢惕厲以體受全歸爲重孟氏所謂不失其身而能事其親者終身慕父母者也人有負一節之孝者益自謹凜守身事親終其身無大過焉卽秉椽而嗣勒於後也夫誰曰不宜

封邱孝子書親終廬墓三年者不一其人而陳孝子至性所感烏兔馴擾此尤史傳所偶見也明季迄今能忘身孝親者唯貢生李太陽一人而奇行秘密人莫能知幾致湮沒無聞近事久始宣於家人偶語而太陽益戒且諱此

真終身事親無孝名者乎語曰求忠臣必於孝子之門今封李氏以節孝世其家而太陽兄嵩陽官御史正直有威望歷少參秦浙兩藩爲監司翹楚生平耿亮多大節所至人號甘雨親終居喪哀毀骨立服闋猶不飲醋茹腥蓋天性相類然也忠孝一門其在斯乎

義門

劉昂字志高治家有法上繼曾祖十三世下歷孫繼仁六世皆同居共爨男女共三百餘口財帛不私衣食均平有司屢加獎勵正德八年具奏以聞未及旌

係西斗三甲人時巡按御史張巡境至陡門聞鐘聲詢問得劉氏鳴鐘會食狀上聞或沮之

趙進道字子修爲人謹厚口不言人過與弟遵道俱以謹厚稱人多推重之早年妻亡歷八十餘終不娶親友憐其鰥居或勸之自云喜清淨不願娶人

妻且恐奪人志云屢與鄉飲知縣張公旌表其門

張士英字靜宇係遙授訓導年八十六歲仁恕坦平鄉邑之人咸推其惠直舉鄉飲五次前令屢表其門

鄭鳳儀邑庠生爲人誠樸寡言笑家貧甚菰食敝衣全不求人少失偶人勸再娶儀云淡泊吾自適豈可以貧累人遂鰥居七十六歲卒時人高其義蓋自周重親親易謹渙羣其義一也傳謂宜綴之以姓而弗別合之以食而弗殊固也迺其原又在推廣孝友一念敦睦宗族痛癢自是相關恩義自是諄篤豈曰葛藟之刺興而天下遂無兄弟角弓之怨作而天下遂無宗族耶且民彝自在情無可解如張仁遇同居四世沐煦八世公藝九世志高等則十餘世矣同族如一身百骸恩仇於何分割如一幹千條榮瘁於何辨別今有

同氣共族而乖迕橫生者不祥之甚也至義夫雖非奇節然其人志行醇謹敦厚崇讓足挽世風亦不容不登載云

按封劉氏十九世同居此誠里閭之罕事亦古史所未經見也夫疋布斗粟之謠燃箕豆泣之事雖一世不能相容而况傳之十九葉乎雖曰民間無勢位相軋之嫌匹夫寡離間構圖之釁故敦睦易於相保然耨鋤德色箕帚評語婦姑勸谿之俗其能以家法維持至數百年乎封俗之厚始於劉氏而諸姓効之雖今災患之餘猶有分產贍族以崇古道者誠非他邑所能及也

貞烈

戰國息氏宋康王舍人韓憑妻貌美憑一康王聞欲奪之築青陵臺以覬望

息作詩自誓已志曰

南山有鳥北山張羅鳥自高飛羅常奈何又王竟執之

置於臺上俄而憑自芻息遂自投臺下死懷中遺書曰王利其生不利其死願以屍歸韓氏合葬王怒令瘞兩處塚相望也經宿忽有梓木生於二塚旬日而大合抱根連於下枝交於上又有鴛鴦鳥各一恆棲樹上朝夕悲鳴人謂卽韓憑夫婦之精魄後化爲雙蝴蝶飛去

明吳氏庠生彭儀妻克盡婦道夫卒亟欲殉葬以姑老子幼不果不二載姑

與子俱沒母欲嫁之吳堅執弗從

且曰吾聞之夫云俄死小事異日何面見夫于地下乎

遂沐浴

更衣潛詣墓所痛哭至夜分自縊棠樹下死顏色如生遠近聞而觀之莫不流涕鄉里爲置棺啟儀窆而合葬焉是年棠樹冬花霜雪不隕人皆以爲貞烈所感事聞

詔旌其門

馬氏性顯質嚴重敦尚朴素蚤適庠生李振綱內助勤學後登科第歷官至御史馬封儒人李卒於官子幼馬泣撫孤幼士大夫哀之多爲致膊攜幼子扶柩歸塋值姑舅俱衰老馬自治喪備歷艱苦舅姑相繼復亡馬復治喪事盡心竭力不愆於禮鄉人以爲難及蓋烈婦也

陳氏邑人孫圮妻圮沒陳年十八歲哀毀骨立誓欲同死以子節尙在襁褓舅亡姑老煢煢子立乃勤紡績習女工事姑尤以孝聞年五十以病卒鄉里稱之

李氏邑人王孜妻正德壬申賊劉六劉七等作亂被擄賊欲辱之李不從遂被害

田氏邑人班秀妻年二十四歲秀卒遺子玉方二歲田撫幼守節耕田里勤

紡績自少至老人無間言後以壽終

張氏邑人朱能妻正德壬申劉賊至偏欲辱之張大罵不從賊怒以火炙之剖其腹裂其支體橫屍於道三日面色如生事聞

詔旌其門

李氏省祭官張欽妻成化庚子欽卒李二十九歲子方七齡舅姑以其年尚幼欲嫁之李涕泣不從紡績以養舅姑及終葬之如禮撫幼子成立孀居苦節垂年六十知縣孟扁其門曰節義之門

邵氏邑人孟璋妻年十四歲適璋越四年璋卒邵哀痛不已欲殉因有娠未果未幾遺腹得子名守田撫養成立善事舅姑堅守苦節年至六旬卒人咸嘉其節操云

汪氏邑人王瑛妻劉賊擄欲污之汪不從賊殺其幼子以恐之亦不從且罵賊不絕口賊怒殺之斷屍數段

孫氏邑人張進妻進卒孫哀痛不食卽縊死柩側同斂合葬知縣胡旌表其門

邵氏邑人李守家妻生員李應中之母夫故年十九遺孤半歲邵痛夫早亡欲縊死柩側戚屬勸曰汝死遂汝志汝兒奚育汝舅姑誰事耶邵悟因事親撫育孤幼族有欲奪其志者氣節愈勵家貧晝夜紡績自効備歷艱苦年八十一卒知縣胡詹咸表其門

吳氏生員李英唐妻初事舅姑以孝謹稱宜家相夫默惠一無所忤英唐卒吳訓撫孤兒李載陽廩食游泮早年能守貧寡黽勉有無素衣淡食上奉其

親克持家道人推其賢知縣陰旌表其門

樊氏邑庠廩生李一麟妻麟卒樊年十九一女甫周歲樊欲死殉家人嚴防弗克遂勉事舅姑撫育幼女紡績度日貧苦見之令人酸鼻女長成適邊岡卿長孫選貢邊韜勝欲延樊奉養樊曰貧苦吾素也獨居不離苦塊卒年七十二歲族里咸重其節

國朝

陳氏邑順天訓導李載陽長子李文蔚妻蔚卒陳年十八生子大任纔八月矢志栢州中遭患難播遷勤苦弗輟孀居四十餘載訓子餼庠遂成令器郡邑屢旌其門今知縣余申請具

題候

旨建坊

自班惠勤女誠劉向序女傳其言貞烈頗詳讀之可爲斂衽蓋乾坤正直之氣上下古今堅鏗不可磨滅女子與丈夫一也其死者論定志可裂金石暴霜日邈乎不可企及矣卽孀居堅節厲志上事舅姑下撫孤慈皜然不滓可見先君於地下亦女中烈丈夫也并錄之右以愧天下後世懷二心者且使男子植立綱常以端刑于之化云耳

明初於干戈倥偬之日凡遇忠貞亟爲顯揚化及今日卽一邑貞烈有若此者以斯知良心人自不泯旌勸典亦最重今日請倅未及旌而鄉陬或難遍錄若於孝義貞烈輩復求其人以示激勸則虛簡可俟矣

按封自息氏以節烈著聞千古後世閨範內教皆貞肅有剛毅風下逮庶族

咸能以艱苦自砥存亡不奪其志或慷慨捐軀從良人於泉壤或勤勞撫育延藐孤於宗祊其人各有松筠之志金石之誠與偉丈夫光昭史冊銘功鐘簴者並垂不朽毋曰巾幗細事也然風氣峻激往往輕生過多里巷間有一語詆詬輒憤恚雉經者此又匹婦之諒不可不訓誡於平居耳

技術

范廷秀

社黃陵人

賈壽

社吳村人

張企

社辛和

賈丙

社壽之

張昇

社企之子

張和

社昇之子

袁淮

社南邢人

賈軌

社丙之孫

賈淳

社軌之子

賈棟

社某

蔭冲

社南邢

以上俱陰陽訓術

劉原政

社治安

侯庸

社吳村

馬訓

社某

劉英

社盤邱

王朝用

社淳

王邦直

社南邢

王聘

社淳

趙仲臣

社沙

王邦元

社治安

以上俱醫學訓科

易曰天下同歸而殊途一致而百慮故技術百家窮知究慮各推所長亦斯

道支與流裔日用所必需者儻能備六藝之術以該百家之長則治歷明時之法與夫濟世活人之方亦可以資多識君子皆有取焉古聖王有保章氏以司天至巫史醫師舞籥之屬無不教之有法習之有人以其贊王化宣翼至治技術何可廢也嗟乎游藝可以養心爲之猶賢乎已三才道備夫豈可以一理推一途驗哉

按封技術一流皆尋常罕所表著然亦鮮左道奇邪之輩售詐僞以欺俗者前朝醫學僧道諸科皆有頒給篆記以杜方術淫巧之弊故舊志歷載諸姓名亦業巫史習岐黃世司其訓者耳

國朝法令精嚴自方藥卜筮諸正術而外槩禁止使弗習民間惇樸成風無復迂恠恢謔之習故諸科雖設而姓氏罔所稱述固風會聿隆漸有返雅還淳

之勢也

封邱縣志卷六終